

山東通志

卷二十八之二

內閣文庫	
漢書類	三九六九號
函	二六九二冊
架	一四六六

內閣文庫	
漢書類	三九六九號
函	二六九二冊
架	一四六六

(六四三六)

內閣文庫	
番號	漢 3969
冊數	692 (346)
函號	291 97

0 1 2 3 4 5 6 7 8 9 10

A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



漢草文庫

崔林字德儒清河東武城人尚書琰從弟少無名望琰獨

政林政為最遂擢冀州主簿文帝踐阼拜尚書出為幽州刺

司空稱其忠直清儉可比古人封

安陽亭侯邑陸百戶卒諡孝侯

程曉字季明東阿人安鄉侯昱之孫嘉平中為黃門侍郎

羣奸以為腹心大臣耻與分勢含忍而不言小人畏

其鋒芒鬱結而無告於是斥罷校事曉遷汝南太守

帝即王位遷御史大夫封安陵亭侯上疏勸育民省刑及文

帝踐阼改為司空進封蘭陵侯上疏諫止游獵帝深納其

言明帝即位深君既勞思慮又手筆將順三復德音欣然無

量朗高才博雅多所著作卒諡曰成

呂虔字子恪任城人有膽畧才識過人初為掾史漢末領

泰山太守會濟南黃巾起虔引兵與夏侯淵同擊之

黃巾悉平遂督青州諸郡兵東討李條戰捷太祖深嘉之文
帝即位封益壽亭侯遷徐州刺史請瑯琊王祥為別駕民事
一以委之世多其能任賢才有古大臣
風明帝即位封萬年亭侯增邑二百戶

王 肅 字子雍東海郟人樂平鄉侯朗子黃初中為散騎黃
肅上疏以雨水艱劇宜為休息於是罷兵景初間肅以常侍

領秘書監兼文觀祭酒上疏勸帝省徭役重稼穡敦信滅刑
帝每以事問肅肅皆以正對帝亦深納其言正始元年為侍

中遷太常時曹爽為大將軍任用何晏鄧颺等肅正色曰此
輩即弘恭石顯屬也爽戒晏等曰當共慎之其畏憚有如此

其所撰尚書詩論語三禮左氏解及定父朗所作易傳皆列
於學宮卒贈衛將軍諡景

孫 該 字公達任城人仕至陳郡太守復入著
侯子恂嗣爵亦以清節名

孟 康 字公休孟子十八代孫歷
官至廣陵亭侯註漢書

高堂 隆 字升平泰山平陽人魯高堂生後少為諸生泰山守
薛悌命為督郵郡督軍與悌爭論名悌面呵之隆按

劍叱曰昔魯定見侮仲尼歷階趙彈秦箏和如進在臨臣名
君義之所討也督軍失色悌驚起止之後太祖召為丞相軍

議掾黃初中為平原王傳王即尊位是為明帝以隆為給事
中累遷光祿勳隆事明帝屢立疏規諫直司史魚史稱其學

業修明志在匡君因
事陳戒發於懇誠

滿 寵 字伯寧山陽昌邑人年十八為郡督郵後太祖辟為
亭侯文帝即位寵破吳於江陵更拜伏波將軍明帝時孫權

圍合肥寵伏兵擊破之又破權軍於新城景初二年遷太尉
寵不治產業家無餘貲詔賜帛

及錢穀以表清節卒諡景侯

孫叔然 樂安人本名炎以字稱受學鄭康成之門人稱東州
大儒徵為秘書監不就王肅集聖證論以譏短康成

炎駁而釋之及作周易春秋例毛詩禮記
春秋三傳國語爾雅諸注又著書十餘篇

王 恂 字子良東海郟人衛將軍樂平鄉侯肅子景元四年
以肅勲封蘭陵侯在朝正直居心公忠有匪躬之節

高令 毅 毅以駿貨致敗年四十餘卒贈車騎將軍
毅果以驥貨致敗年四十餘卒贈車騎將軍

孔 義 字元儁孔子二十代孫祖父皆二千石義為濟南相
散騎常侍上疏規諫勸帝以循禮復古無朱丹之飾不懈於
位平公正之心審賞罰戒習騎為天下福意甚忠摯後至大
鴻臚諫
議大夫

任 燠 樂安人為清河太守有賢聲與魏郡太守吳瓘京兆
太守顏斐弘農太守令狐邵濟南相孔義或哀矜折

獄或推誠惠愛或治身清白或擿奸
發伏成為良二千石史冊並稱美焉

顏 斐 字文林濟北人有才學太祖時召為太子洗馬黃初
農殖斐到官乃令屬縣整阡陌樹桑果制車買牛民始以為

煩一二年間家有車牛人民豐富又起文學聽吏民欲讀書
者復其小徭於是教化大行吏民愛之青龍中遷平原太

守吏民遮道不得前稽留十餘日乃出界因立碑稱頌之

王 儀 字民表北海營陵人性正直不畏權勢為安東將軍
對曰責在元帥昭怒曰司馬欲委罪於孤

耶斯之子哀痛父死非命終身不仕晉

王 經 字彥偉清河人魏甘露中為尚書高貴鄉公將討司
馬昭經與侍中王沈散騎常侍王業並諫不聽沈與

業曰不如奔告司馬公拉經同往經不可曰吾子行矣及高
貴鄉公被廢收經刑於東市晉太始初褒其守志官其孫

王 哀 字偉元營陵人父儀為司馬昭所殺哀累辟不就廬
墓側旦夕拜跪攀栢悲號涕淚著樹樹為之枯母存

日畏雷沒後每雷震輒至墓跪曰哀在此讀詩至哀哀父母
生我劬勞未嘗不反覆流涕門人為廢蓼莪之篇家貧躬耕

計口而田度身而蠶或有助遺皆不
受及司馬氏篡魏哀終身不西向坐

諸葛 靚 瑯邪陽都人父誕魏司空為文帝所誅靚奔吳為大
司馬吳平逃匿不出武帝與靚有舊靚姊又為瑯邪

王妃帝知靚在姊間因就見焉靚逃於廁帝又逼見之靚流
涕曰不能漆身披面不期今日復覩聖顏詔以為侍中固辭

不拜歸
於鄉里

諸葛 瑾 字子瑜瑯邪陽都人蜀漢丞相武鄉侯亮之兄事吳
為長史轉中司馬嘗使蜀與亮公會退無私面與孫

權談論但粗陳指歸如有未合則舍而及他徐復託事造端
以物類相求於是權意多釋或言瑾別遣親人與昭烈相聞

權日子瑜之不負孤猶孤之不負子瑜也黃武元年累遷左將軍封宛陵侯

徐盛字文嚮瑯邪莒人為孫權司馬守柴桑大破黃祖兵復討山賊有功徙中郎將後屢立戰功遷安東將軍

封蕪湖侯及魏文帝大出有渡江之志盛獻計從建業築圍作薄落園上設假樓江中浮船相往來諸將以為無益盛不聽固請用之及文帝南侵車駕駐廣陵望園愕然彌浸數百里而江水盛長曰長江天塹此天之所以限南北也便引軍退諸將皆服其智

子楷襲爵領兵

晉

王祥字休徵瑯邪臨沂人性至孝事後母朱氏恭謹竭誠母病欲食魚時方冰凍祥輒解衣欲臥冰上求之冰

忽自解雙鯉躍出又思黃雀炙復有黃雀數十飛入其幘取以供母明帝時徐州刺史呂虔聞之辟為別駕委以州事政化大行甘露中累遷太常封萬歲亭侯上詣太學命祥為三老天子北面乞言祥陳帝王君臣政化之要聞者莫不砥厲及武帝踐阼拜大保封睢陵公祥以年老屢乞歸里帝不從後賜几杖不朝大事仍諮訪之年八十有五卒諡曰元

王

覽

字元通臨沂人太保睢陵公祥異母弟母朱遇祥無道覽年數歲見祥被楚撻輒涕泣抱持至成童每諫

其母母以非禮使祥覽輒與俱又虐使祥妻覽妻亦趨而共之朱密使酖祥覽知之徑起取酒祥疑有毒爭而不與朱遽奪反之自後朱賜祥饌覽輒先嘗朱遂止覽仕至光祿大夫卒諡曰貞六子皆貴顯孫導為東晉相

任

愷

字元哀樂安博昌人官中書侍郎晉國建為侍中封昌國縣侯愷有經國之幹萬機大小多綜管之性中正

正以社稷為己任帝器之政事多諮焉初愷惡賈充為人不欲令久執朝政每加裁抑後充與荀勗馮紵乘間浸潤遂免官後起為太常不得志卒諡曰元子罕以淑行稱歷兗州刺史大鴻臚

羊

祐

字叔子泰山南城人性至孝博學能文以道自守太原郭奕見之曰此今日顏子也文帝為大將軍徵為

中書侍郎泰始初詔稱祐執德清劭忠亮純茂經緯文武蹇蹇正直以祐為尚書右僕射率兵出鎮南夏綏懷遠近江漢歸心吳陸抗嘗稱其德量可媲美毅孔明後以時勢可乘上疏取吳雖寢疾猶入朝面陳伐吳之計及疾漸篤乃舉杜預自代年五十有八卒閱二年吳平帝流涕曰此羊太傅功也因以尅定之功策告祐廟諡曰成

唐

彬

字儒宗魯國鄒人少有經國大度不拘行檢晚乃敦

賜爵關內侯遷弋陽太守設禁防百姓安之加廣武將軍上

征吳之策與王濬共伐吳彬屯據要衝為前驅陷西陵樂鄉

多所擒獲自巴陵沔口以東莫不震懼以彬都督巴東諸

軍事四境獲安百姓追慕功德生為立碑作頌卒諡曰襄

魏舒字元陽任城樊人年四十餘郡上計掾察孝廉舒對

務未嘗見是非至於廢興大事眾人莫能斷者舒徐籌之多

出眾議之表文帝深器重之每朝會罷目送之曰魏舒堂堂

人之領袖也遷宜陽榮陽二郡太守甚有聲稱徵拜散騎常

侍出為冀州刺史以簡惠稱太康初拜右僕射後領司徒卒

諡曰康

陳邵字節良東海襄賁人郡察孝廉不就以儒學徵為陳

始中詔曰燕王師陳邵清正潔靜行著邦族篤志好古博通

六籍耽悅典誥老而不倦宜在左右以篤儒教可為給事中

卒於官帝哀悼終日

劉毅字仲雄東萊掖人幼有孝行厲清節好臧否人物王

師肅然武帝嘗問毅曰朕可方漢何帝毅對曰可方桓靈帝

笑曰桓靈之世不聞此言今朕有直臣固不同也毅端方亮

直正色立朝罷中正除九品言議愷切無所曲

撓夙夜在公坐而待旦累官至尚書左僕射

劉暉字長升東萊掖人尚書左僕射毅子正直有父風太

劾奏司徒王渾無大臣節渾免官右長史揚邱亭侯劉肇便

辟阿順暉請削其爵土聞者莫不歎美適武庫火尚書郭彰

率百人自衛而不救火暉正色詰之彰怒曰我能截君角暉

勃然曰汝敢恃寵作威福乎彰伏不敢言暉正色立朝三臺

清肅加光祿大夫

孫益德樂安人其母為人所害時益德尚幼奮然為母復讐

之及長郡辟還哭於殯以待罪事聞以其幼而孝又不逃罪特免

中正辭不受

吳隱之字處默濮陽鄆城人美姿容善談論博涉文史以儒

常韓康伯與之鄰其母謂康伯曰汝若居銓衡當舉如此人及康伯為吏部尚書隱之遂階清級累遷晉陵太守清儉勤苦終始不渝祿賜皆頒給親族嘗為廣州刺史廣有水曰貪泉隱之飲而賦曰古人云此水一飲懷千金試使夷齊飲終當不易心隱之在州清操愈厲後官至度支尚書

郤詵字廣基濟陰單父人博學多才不拘細行太始中詔舉賢良直言對策上第嘗於武帝座前自稱曰臣對

策天下第一如桂林一枝崑山片玉仕至雍州刺史卒於官

顏含字弘都瑯邪人少有操行以孝聞兄病廢含絕棄人遺辭不受嫂病出明醫疏方須髯蛇膽遍求不得忽有童子持青囊授含乃蛇膽也童子化青鳥飛去人以為誠敬所感

侯史光字孝明東萊掖人舉孝廉州辟別駕泰始初拜散騎常侍尋兼侍中持節循省風俗還奏稱旨進爵臨海侯光在職寬而不縱有清忠之節文筆奏議皆可為法後卒家極貧詔賜錢伍拾萬

馬隆字孝興平陸人少有智勇好立名節泰始中舉隆為甚良將稱遷司馬督時涼州為寇所沒以隆為武威

太守隆到武威奇謀間發出敵不意涼州遂平進封高縣侯子咸嗣為鷹揚將軍

華嶠高唐人歷仕魏晉有良史才典統撰集又自作漢紀

王弼字輔嗣山陽人通辯能言鍾會服其高致嘗曰聖人茂於人者神明也同於人者五情也神明茂故能體

冲和以通無五情同故不能無哀樂以應物注周易及老子

汜毓字稚春濟北盧人累世儒素甘自高蹈時人號其家兒無常父衣無常主有好古者造廬咨詢輒傾懷開

誘嘗撰春秋釋疑肉刑論武帝召補秘書郎太傅參軍並不就

徐苗字叔胄淳于人少家貧晝執鋤耒夜則吟誦受業於濟南宋鈞遂為儒宗作五經同異評守志不仕武帝

惠帝時凡計吏至臺者輒手詔存問安否遠近咸師尊之

王戎字濬冲瑯邪臨沂人父渾涼州刺史戎幼穎悟與阮籍為竹林之遊後襲父爵辟相國掾累遷豫州刺史

加建威將軍受詔伐吳戎遣參軍羅尚劉喬進攻吳昌吳率眾詣降戎渡江綏慰新附宣揚威惠進爵安豐縣侯戎以吳

晉

光祿勳石偉清節可嘉表薦為議郎永興二年卒諡曰元

卞粹字元仁濟陰宛句人以清辯鑒察稱兄弟六人並登

駿執政人多附會而粹正直不阿及駿誅超拜右丞遷侍中中書令長沙王義專權粹正色立朝又忌而害之

卞俊濟陰宛句人清正有識以名理著稱其鄉人鄙詵每恃才陵俊俊亦素輕詵相視如讐詵以楊駿故吏被

繫俊時為尚書郎按其獄詵懼不免俊平心決斷詵卒以免其居心公正如此歷位汝南相廷尉卿

解系字少連濟南著人與二弟結育並以清潔著名初辟公府掾累遷雍州刺史會與征西將軍趙王倫同討

氏羌倫用佞人孫秀與孫爭軍事更相表奏朝廷知系守正名倫還系表殺秀以謝氏羌不從倫秀譖之系免官及張華

裴頡被誅倫秀以宿憾收系兄弟梁王彤苦爭之不得遂與二弟皆遇害後倫秀既被誅齊王冏白其冤於朝追贈光祿

大夫結字叔連累遷魏郡太守育字稚連累遷弘農太守

石鑿字林伯樂陵厥次人出自寒素雅志公亮仕魏歷御史中丞多所糾正朝廷憚之元康間累官至太尉八

十餘卒諡曰元

劉實字子徵平原高唐人少貧賣牛衣以自給好學博通古今清身潔行郡察孝廉不就以計吏入洛調為河

南尹累官吏部郎參相國軍事時鍾會鄧艾伐蜀實料其皆不還後果然其先見類如此以世多進趨乃著崇讓論以矯

之懷帝時終太尉諡曰元

劉智字子房平原高唐人太尉實之弟少貧窶每負薪自給誦讀不輟以儒行稱仕為潁川太守累遷至尚書

太常著喪服釋疑論多所辨明平原管輅嘗謂人曰吾與劉潁川兄弟語使人神思清發夕不暇寢卒諡曰成

王鑿字茂高堂邑人父濬御史中丞鑿少以文筆著稱初為瑯邪國侍郎時杜弼叛鑿上疏勸征之後拜駙馬

都尉有文集傳於世弟濤及弟子戴並有才名

左思字太冲臨淄人博學工詩尤善屬文嘗著三都賦搆思十年門庭藩溷皆置筆紙偶得一句輒疏之自揣

所見不博求為秘書郎及賦成張華見而歎曰班張之流也豪貴之家競相傳寫洛陽為之紙貴

張

載

字孟陽臨淄人閑雅博學著劍閣銘又為濛汜賦傳元見而嗟歎以車迎之言談盡日起家著作佐郎引

農太守長沙王又請為記室拜中書侍郎復領著作稱疾告歸

劉敏元

字道元北海人永嘉之亂同郡管平以年老從敏元西奔為賊所得敏元曰此公餘年無幾願以身代賊

首欲舍之一賊勿聽敏元奪劍前曰吾不惜死義不負同行者爾為賊顧不遵酋長令耶願為諸公先除此不從命者賊

首遽止之相謂曰此義士也遂俱免之

繆

播

字宣則蘭陵人懷帝時為中書令掌詔命時東海王越威權日盛帝力不能討以播有公輔之量又盡忠

於國故委以心膂越懼為已害因以兵執播等害之

魏

浚

東郡東阿人寓居關中懷帝以為揚威將軍及洛陽陷屯於洛北石梁塢撫戰士修器備其附賊者先論

以大晉運數靈長行已建立歸之者甚眾或恃遠不從命遣將討之服從而已不加侵暴於是遠近感悅劉琨承制假浚

河南尹劉曜忌浚得眾率軍圍之浚援絕夜遁為曜所得遂死之

劉

印

字承尹東萊掖人漢齊悼王肥之後名著海岱士咸慕之舉賢良辟司空掾並不就會避地冀州依刺史

郤續續以徒眾寡弱謀降於石勒印為陳勝負之勢得失之機欲其戴瑯邪王以抗石勒續從其言遣使江南朝廷嘉之

印乃求自行續厚遣之既至元帝命為丞相叅軍累遷尚書吏部郎王敦素與印交請為右司馬印知敦有不軌心枕疾

不就出為豫章太守豪右肅然咸和初以平蘇峻功賜爵豐城子後為郭默所害

胡毋輔之

字顏國泰山奉高人少擅高名嗜酒任縱王衍嘗稱其吐佳言如鋸木屑罪罪不絕仕晉守繁昌令

節清自勵甚有能名終湘州刺史

王

導

字茂弘瑯邪臨沂人光祿大夫覽孫少有風鑒識量清遠元帝為瑯邪王與導友善出鎮下邳請導為安

東司馬軍謀密策知無不為及從建康吳人不附導勸帝引顧榮賀循二人以結人心又勸帝收中州賢士與之圖事晉

國既建導歷大將軍儀同三司以討華軼功封武岡侯及王敦有異謀導率子弟詣臺待罪帝以導忠節有素特還朝服

名見宥之明帝即位導受遺詔輔政王敦平封始興郡公復與庾亮同受遺詔輔成帝進位丞相卒謚文獻

王彬 字世儒瑯邪臨沂人少稱雅正與兄廙俱渡江累官

舉兵入石頭帝使彬勞之彬數敦罪辭極慷慨敦大怒時王

導在坐勸彬起謝彬曰有脚疾敦曰脚痛孰若頸痛彬意氣

白若殊無懼容敦平徵拜光祿勳歷右僕射卒諡肅

王舒 字處明臨沂人司空導從弟父會侍御史元帝出鎮

鎮廣陵以舒為車騎司馬咸稱明練哀卒遂代哀累遷會稽

內史秩中二千石會蘇峻猖獗舒率兵征討峻平以功封彭

澤侯卒諡曰穆

魏該 東阿人浚族子元帝時為順陽太守王敦不執甘卓

拒之不應及蘇峻難作該率眾救臺軍次石頭城受陶侃節度以勞瘁卒於軍中

劉超 字世瑜臨沂人少有志節從元帝渡江為安東府舍

頭超與侍中鍾雅步侍左右臣節愈恭成帝時年八歲幽厄

之中超猶啓授孝經論語謀奉帝出赴義軍事泄峻使任讓

收超及雅帝抱持悲泣曰還我侍中右衛讓竟害之峻平帝誅讓贈超衛尉諡曰忠

卞敦 字仲仁濟陰宛句人汝南相俊子弱冠仕州郡辟司

就征南將軍山簡以為司馬時王如杜曾相繼猖獗簡乃使

敦監沔北七郡軍事攻討所至皆平後從明帝討王敦有功

封益陽侯徙光祿勳卒諡曰敬

孔衍 字舒元孔子二十二世孫少好學通詩書舉異行直

言皆不就避地江東明帝在東宮衍領太子中庶子

經學深博練識舊典朝儀軌制多取正焉後為王敦所惡出守廣陵所撰述百餘萬言

華恒 字敬則高唐人博學清潔以駙馬都尉除散騎常侍

累遷太常定郊禮太寧初王敦表為護軍不拜至咸

和初以討王敦功進封苑陵縣侯蘇峻逼石頭城恒侍帝左

右備履艱困及帝加元服將納后恒推尋舊典撰定禮儀并

郊廟辟雍朝廷軌則事皆施用遷左光祿大夫卒諡曰敬

徐寧 東海郟人少知名為輿縣令時廷尉桓彝有人倫識

鑒嘗過輿縣乃造之寧清惠博涉相遇欣然彝大賞

之至都謂庾亮曰為卿得一佳吏部亮即啓帝用為吏部郎累官至左將軍江州刺史卒於官

郗隆字弘始高平金鄉人仕晉為尚書郎轉左丞以直亮制繩之尋加

寧東將軍

郗鑒字道徽高平金鄉人寧東將軍隆姪博覽經籍以儒職惠帝復正累遷中書侍郎後隨元帝東渡明帝即位畏王

敦之逼倚鑒為外援拜安西將軍都督揚州江西諸軍與帝謀討敦後與王導卞壺等同受遺詔輔少主出刺徐州及蘇

峻為患鑒流涕誓師三軍爭為用命峻平拜司空仍還鎮廣陵封南昌縣

公卒謚文成

竇益 泰安人六世同居 詔褒美賜粟帛

羊曼 字祖延泰山南城人少知名渡江為黃門侍郎晉陵太守以事免官與阮放郗鑒胡毋輔之卞壺蔡謨阮

孚劉綏號兗州八伯曼知王敦不臣終日酣飲故不與其難成帝時以前將軍守雲龍門蘇峻為逆王師不振或勸曼避

之曼曰奈朝廷何勒衆戰不克而死峻平追贈太常卿

郗愔 字方回高平金鄉人南昌縣公鑒長子性至孝襲爵南昌公徵拜中書侍郎尋以疾去職與王羲之許恂

並有邁世之風修黃老之術後徵為光祿太夫固讓不拜求補遠郡出為輔國將軍久之乞歸徵拜司空不起卒謚文穆

劉鯁 字長魚高密人幼不慕俗長而希古篤學厲行化流之士徵為博士鯁赴京師

自陳年老不拜以壽終

卞壺 字望之宛句人侍中粹之子弱冠有名譽元帝鎮建鄴召為從事中郎成帝時為右將軍尚書令與王導

同心輔政幹實當官以褒貶為己任庾亮將徵蘇峻壺固爭不從司馬任台勸壺宜畜良馬以備不虞壺笑曰以順逆論

之理無不濟若萬一不然豈須馬哉及峻進攻青溪六軍失利壺與二子矚肝皆死之矚毋裴氏撫尸哭曰父為忠臣子

復何恨乎

呂安 字仲悌東平人神氣超逸博物能文與向秀嵇康相友極善每一相思輒千里命駕後遭譖與康並見殺

向秀爲作
思舊賦

孟嘉 字萬年孟子二十二代孫庾亮鎮武昌拔爲觀學從

溫甚重之穆帝聞其名賜見東堂以脚疾

徐邈 東莞姑幕人東晉初徙居京口邈博涉多聞以慎密

學者宗之在西省十年多所禪益轉祠部郎上南北郊宗廟

送毀禮皆有證據遷中書侍郎專掌綸綍所注穀梁傳見重

於時 郗恢 字道尹金鄉人鑿之孫建威將軍曇之子少襲父爵

帝深器重之以爲有藩伯之望使鎮襄陽甚得關隴之心降

服者動以千計後以軍功加督隴將軍尋爲尙書卒贈鎮軍

將軍 伏滔 字元度平昌安邱人少以才學名舉秀才辟別駕皆

不就大司馬桓温引爲參軍時淮南倡獻滔著論一

篇名曰正淮温稱賞之太元中拜著作郎專掌國史領本

州大中正遷遊擊將軍子系之亦有文才官至光祿大夫

王珣 字元琳臨沂人內史洽之長子丞相導之孫弱冠爲

袁徵封東亭侯累遷侍中孝武深倚賴之時帝雅好典籍珣

以才學文章見昵於帝隆安二年加散騎常侍卒謚獻穆

王珉 字季琰臨沂人內史洽季子少有才藝名出珣右歷

令二人素齊名世謂獻之爲

大令珉爲小令卒贈太常

臧燾 字德仁東莞莒人少好學善三禮貧有操行晉太元

十餘年居喪以毀瘠著稱安帝時補尙書度支郎改掌祠部

議京兆府君以上四主在太祖之前情禮已遠宜從遷毀識

者是之尋
改大鴻臚

魏詠之 字長道任城人家貧躬耕好學不倦初爲州主簿嘗

將軍桓歆寇歷陽詠之率衆擊走之轉荊州刺史詠之初在

布衣不以貧賤爲耻及居顯位不以富貴驕人卒贈太常追

封江陵縣公諡曰桓
弟順之琅邪內史

何無忌 東海郟人少有大志忠亮任氣人有不稱其心者輒
形於言色州辟從事轉太學博士鎮北將軍劉牢之

即其舅也時鎮京口每有大事必與參議牢之欲降桓元無
忌屢諫辭旨甚切與劉裕起義兵討元元聞之甚懼其與曰

劉裕烏合勢必不成元曰劉裕勇冠三軍兼以何無忌劉牢
之之甥酷似其舅何謂無成其見憚如此及元潰走無忌與

振武將軍劉道規同追之元平奉帝還京師累遷會稽內史
督江東五郡軍事義熙二年封安成郡開國公後與盧循別

帥徐道覆戰失
利握節死之

檀憑之 字慶子高平人少有志力為世所稱從兄子韶兄弟
五人皆穉幼而孤憑之撫養若已所生初為會稽王

驃騎行參軍累遷寧遠將軍與劉裕有州閭之舊又數同東
討情好甚密義旗之建憑之與劉毅俱以私艱墨經而赴官

次劉裕以為建威將軍後為皇
甫數軍所害追封曲阿縣公

徐廣 字野民東莞姑幕人謝元鎮兗州辟從事累仕至秘
書監及劉裕受禪恭帝遜位廣獨哀感涕泗交流謝

曠見之謂曰徐公將無小過廣收淚言曰君為宋朝佐命至
乃晉室遺老憂喜之事固不同時乃更歔歔遂乞歸卒於家

檀斌 高平金鄉人明帝時為兗州刺史時石勒
遣其將石良寇兗州斌因乏救力戰死之

晏謨 臨淄人晏嬰後善屬文撰齊記行世南燕主慕容德
登營邱問謨以齊之山川邱陵賢哲舊事謨歷對詳

辨畫地成圖德
嘉之拜尚書郎

王猛 字景略北海劇人少貧賤氣度雄遠博學好兵書徐
統見而奇之召為功曹不應隱於華陰山桓溫入關

被褐詣之捫蝨而談當世之事旁若無人溫異之請與俱往
猛還山諮師師曰卿與桓溫豈並世哉乃止苻堅將有大志

遣呂婆樓招之一見若生平及堅僭位以猛為中書侍郎累
遷司徒錄尚書事率諸軍討慕容暉軍禁嚴明師無私犯遠

近帖然以平燕功進封清河郡侯雷鎮冀州俄入為丞相加
都督中外諸軍事猛宰政公平流放尸素拔幽滯顯賢才外

修兵革內崇儒學勸課農桑教以廉耻是以兵強國富垂及
昇平臨卒堅問以後事猛曰晉雖僻在江左乃正朔相承願

勿以晉為圖鮮卑羗虜終為人患
宜漸除之言終而沒諡曰武侯

房豹 字仲幹清河人年十七為慕容紹主簿並行臺郎中
紹宗云有水厄思自禳之豹曰命在天豈人所能延
 促未幾紹宗遇溺時論以為知微遷樂陵太守階除簡靜固
 園空虛郡治頻海水多鹹苦豹命鑿一井得甘泉咸謂政化
 所致後辭疾歸終於家
 以上三人係燕秦附

南北朝

劉穆之 字道和東莞莒人少好書傳為府主簿後從宋武帝
為軍吏平京邑任以腹心穆之盡誠無隱累官中軍

太尉司馬加丹陽尹武帝西討以諸葛長民監留府穆之輔
之加建威將軍尋轉尚書僕射穆之內總朝政外供軍旅決
 斷如流事無壅滯後以佐命元勳追封南康郡
 公謚文宣配食高祖廟庭孫瑀仕至御史中丞

臧熹 字義和宋東莞莒人與兄燾並好儒學熹更習騎射
遇虎直前射之應弦而倒從武帝定建業及桓元走

武帝使熹入宮封府庫有金飾樂器武帝問熹卿得無欲此
乎熹正色曰主上幽逼非所將軍首建大義雖復不肖實無
 情於樂以建義功封始興縣五等侯為臨海太守綏輯
 綱紀招聚流散後同伐蜀蜀平遇疾卒追贈光祿勳

王鎮惡 宋北海劇人符秦丞相猛之孫才畧縱橫果決能斷
初為臨澧令武帝與語甚異之以拒盧循有功封博

陸縣子後屢平寇賊除遊擊將軍武帝北伐鎮惡領前鋒所
至望風奔散及入長安撫慰初附號令嚴肅百姓安堵進號
 征虜將軍後為
 沈田子所害

檀道濟 高平金鄉人從宋武帝參建武軍事以建義勳封吳
縣五等侯前後多戰功歷加冠軍將軍義熙十二年

武帝北伐以道濟為前鋒出淮淝所至降服拔城破壘俘四
千餘人皆釋遣人心感悅長安既平為琅邪內史元嘉中封
 武陵郡公進位司空鎮潯陽道濟立功前朝威名甚盛左
 右腹心並經百戰諸子又有才氣朝廷旋懼召赴廷尉與其
 子植等
 俱見殺

孔琳之 字彥琳孔子二十八代孫好文藝解音律妙草隸書
當桓元輔政進為西閣公以不肯順元旨故不見知

累遷尚書左丞永初二年為御史中丞執
法無所撓家貧不事產業著有文集十卷

劉兆 字延世東平人洽聞善誘從業者數千人宋武帝時
五辟公府三徵博士皆不就以春秋一經而三家殊

塗乃合而通之作春秋調人又為春秋左解名曰全綜公羊穀梁解詁皆納經傳中朱書以別之又傳周易訓注

孟懷玉 平昌安邱人徙居京口宋武帝東伐孫恩以為建武司馬進定京邑以功封鄱陽侯盧循逼京邑懷玉連

戰有功遷江州刺史督六郡諸軍事尋丁父艱上表陳解不許因抱篤疾卒弟龍符驍果有幹力以軍功封平昌縣子位

車騎將軍

虞邱進 字豫之宋東海郟人少隨武帝討符堅有功累官龍驤將軍封龍川縣五等侯盧循逼京邑遷鄱陽太守

統兵擊破之後討司馬休之有戰功除輔國將軍

檀 祗 字高叔宋高平金鄉人武陵郡公道濟從兄以參建武軍事加振武將軍屢立戰功封西昌侯盧循逼京

邑加輔國將軍屯兵西明門循即退走出督江北淮南軍事會司馬國璠兄弟聚眾數百過淮乘夜緣廣陵城闔入祗口

賊聞入欲掩襲不備因令打五鼓賊懼曉皆奔散及宋國建以為領軍將軍諡曰威侯

王鎮之 字伯重琅邪臨沂人初仕晉為安成太守桓元寇境鎮之拒戰彌年子第五人並臨陣見殺加建威將軍

徐道覆通江陵鎮之討平之封華容縣男

何承天 東海郟人博見古今尤精曆數仕宋為尚書祠部郎撰朝儀遷御史中丞文帝每有疑議必先訪之時開

元武湖得古銅斗承天曰此新莽威斗也三公亡則賜之注左唯甄邯為大司徒必邯之墓驗之果然先是禮論有八百

卷承天刪減併合以類相從凡為三百卷

王淮之 字元曾瑯邪臨沂人明禮傳贍于文辭為山陰令有能名宋元嘉中為江夏王撫軍長史歷陽太守行州

府之任綏懷得理軍民便之明年為都官尚書改領吏部以性峭急失縉紳望出為丹陽尹淮之寃識舊儀問無不對時

彭城王義康錄尚書事歎曰何須高論虛無正得如玉淮之兩三人天下便可治常撰朝儀朝廷遵用之卒贈太常

鮑 照 字明遠宋東海郟人官臨海王前軍參軍嘗為古樂府文甚適麗有集傳於世

王 弘 字休元瑯邪臨沂人晉司徒珣之子弘少好學以清恬知名宋武帝為鎮軍召補諮議參軍累官江州刺

史省賦簡役百姓安之永初元年以佐命功封華陽縣公及徐羨之等謀廢立召弘入朝文帝即位弘定策安社稷進位

司空封建安郡公美之等誅徵弘為侍中司徒上西征弘與彭城王義康居守明敏有思致造次必存禮法九年進位太保領中書監卒諡文昭配食高祖廟庭

王曇首 宋瑯琊臨沂人有識智局度喜愠不見于色為鎮西長史初武帝謂文帝曰曇首沈毅宰相材也及文帝即位以預誅羨之等議進位侍中領驍騎將軍上欲封曇首等出詔示之曇首曰賴陛下英察罪人斯戮豈可因國之災以為身利陛下雖欲私臣當如直史何上不

能奪封事遂寢後追封豫寧侯卒諡曰文王僧綽 宋瑯琊臨沂人豫寧侯曇首子好學有理思練悉朝典尚文帝長女東陽獻公主為尚書吏部郎拔才舉能成得其分遷侍中任以機密文帝以僧綽年少方欲大相付托僧綽刻自損抑求為吳郡不許後為劾所害諡曰愍弟僧達亦以文名仕齊為中書郎

徐孝嗣 字始昌宋東海郟人祖湛之仕至司空父聿之著作郎並為子劾所殺孝嗣在孕得免幼而風儀端簡八歲襲爵縣公尚康樂公主歷御史中丞出為吳興太守在郡有能名復徵為五兵尚書臺閣事多委之從世祖幸方山上

欲于山南為離宮孝嗣以勞民諫止明帝時加中軍將軍轉尚書合器量弘雅不以權勢自居朝野共服其品

顏協 字子和宋瑯琊臨沂人博極羣書兼工草隸為湘東王記室撰晉僊傳日月災異圖併文集二十卷

顏延之 字延年宋瑯琊臨沂人好讀書無所不覽文章冠絕當時與陳郡謝靈運齊名嘗問鮑照已與謝優劣照曰謝五言如初發芙蓉自然可愛君詩如鋪錦列繡亦雕績滿眼仕至光祿大夫卒贈特進子竣亦以文學顯

王僧孺 宋東海郟人六歲能文家貧其母鬻紗布以自業嘗攜僧孺至市道遇中丞鹵簿驅迫溝中及長累仕尚書左丞兼著作俄除游擊將軍兼御史中丞拜日引騶清道悲感不自勝官至南康王諮議叅軍聚書至萬餘卷多異本其為文麗逸多用新事人所未見者所著集十八卷州譜七

百一十卷百家譜集十五卷東南譜集抄十卷文集三十卷兩臺彈事五卷及東宮新記並行于世

劉善明 平原人南齊安北將軍懷珍族弟父懷人仕宋為齊北海二郡太守元嘉末青州饑善明出積粟以救鄉里咸呼其家田為續命田刺史劉道隆辟為中從事沈文秀兵起善明收集門宗部曲奔從懷恭於北海明帝以為北海

人物

南北朝

四

太守魏克青州善明母陷焉乃布衣蔬食哀戚如初喪會遣

北使善明舉北平田惠紹使魏贖母還後事齊高帝以為腹

心歷淮南宣城二郡太守上表陳事十一條又撰聖賢

雜語奏之托以諷諫上深嘉其忠款封新塗伯諡烈伯

劉靈哲字文明平原人仕宋為齊郡太守前軍將軍生母病

覺於枕間得之如言而愈嫡母崔氏及兄景煥泰始中為魏

所獲父懷珍卒當襲爵靈哲固辭以兄在魏無容越當茅土

帝哀之為請於魏送其兄還襲父爵靈哲位至兗州刺史

王素字休業瑯邪臨沂人少有志行家貧母老嘗為廬陵

人辭不就山中有蚊蟲聲甚清長聽之使人不厭而其形甚醜素乃為蚊賦自况

趙僧巖北海人寥闊無常人不能測劉善明為青州刺史舉

周盤龍北蘭陵人泰始間以軍功累至積射將軍元徽二年

西澤中奮殺數萬人獲輜重無算魏人圍齊甬城盤龍子奉

叔率二百餘人陷陣敵萬餘騎張左右翼圍之盤龍方食秦

筋馳馬奮稍直突所向披靡奉叔已出復入求盤龍父子兩

騎縈攬數萬人無敢當者由是名播北國以功進爵為侯

臧榮緒宋東莞莒人幼孤灌園以供祭祀純篤好學括東西

齊高帝徵為主簿不就尤嗜五經謂人曰昔呂尚奉丹書武

王致齋降位李釋教誠並有敬禮之儀因甄明至道乃撰述

五經序論嘗以宣尼生庚子日陳五經拜之自號被褐先生以上俱南宋

桓康蘭陵承人勇果驍悍宋泰始初與齊世祖起意世祖

中與門客蕭欣祖等破郡獄出世祖郡兵追急康等死戰退

之及世祖即位擢冠軍府參軍南漢陽太守隨世祖征伐摧

堅陷陣南人震恐或畫其形以辟瘴無不立愈封吳平縣伯卒贈輔國將軍

崔祖思字敬元清河東武城人崔琰七世孫初為都昌令轉

武帝時啓陳政事謂宜於太廟之南弘修文序司農以北廣

開武校又謂宜體唐成儉踵虞為樸清置廷尉茂簡三官羅

雜伎置鐘簋羽戚登歌上優詔報答後為青冀二

州刺史為政清簡謙卑下士未幾卒上深惜之

劉軌思 渤海人說詩甚精少事同郡劉敬和敬和事程師則故其鄉曲多為詩者軌思仕齊位國子博士

王僧虔 琅邪臨沂人宋豫寧侯曇首子吏部郎僧綽弟性孝友端謹僧綽遇害撫其孤在宋為尚書令後仕齊為

侍中世祖即位以為光祿大夫開府儀同三司僧虔固辭謂僧綽子儉曰汝行登三事我若受此是一門二台司也吾實

懼焉累年不拜儉嘗作長梁齋制度少過僧虔竟不入戶儉遂毀之

王慈 字伯重臨沂人僧虔子年八歲外祖江夏王義恭迎至內齋室物聽所取慈惟取素琴石硯長仕南齊除

秘書郎累官大司馬長史侍中領步兵校尉慈以朝堂諱榜非古舊制表請革除詔從之以為冠軍將軍諡曰懿

王儉 字仲寶琅邪臨沂人宋吏部郎僧綽子明帝時解褐上之又撰定元徽四部書目錄齊高帝為相深相推許既建國

遷尚書右僕射時朝廷初基制度草創儉識舊事問無不答上嘆曰維嶽降神生甫及申今天亦為我生儉也官至中

書監諡文憲儉寡欲惟以經國為務車服塵素家無餘財王遂之 字宣約琅琊臨沂人好學博聞至老不倦以著作郎

兼尚書左丞參定齊國儀禮初王儉撰古今喪服集

記遂之難儉十一條更撰世行五卷建元間國學久廢遂之轉國子博士表請立學累遷光祿大夫給事中著書凡五十

卷子顯上之 詔付秘閣 檀超 字悅祖高平金鄉人少好文學舉止溫雅自比晉郗

元間與記室江淹掌史職上表立條例詔內外詳議史功未就卒

孔珪 孔子二十九代孫好文詞齊高帝舉為記室與江淹對掌詞章上律文二十卷

明僧紹 字承烈安陵人明經學隱居嶗山齊高帝屢徵不就乃錫以竹如意荀籜冠褒美之

劉懷珍 字道玉平原人幼隨祖奉伯至壽陽豫州刺史出獵百姓聚觀懷珍避不視奉伯異之長辟本州主簿討

平司馬順則讓功不居以應對取重江夏王隨府轉太宰參軍破敵麋溝拜樂陵河間二郡太守斬豪民王弼宋泰始初

累立戰功掩擊劉道蔚破王仲蚪攻高密平昌陷不其擊降鞠延僧沈文秀遣使請降進冠軍將軍豫州刺史沈悠之起

兵遣使結懷珍斬其使悠之攻郵城懷珍遣將破其前鋒齊太祖輔政內召為都官尚書至明帝建元中轉光祿大夫

授安北將軍
卒諡曰敬

劉懷慰

字彥恭平原人安北將軍懷珍從弟父乘仁冀州刺史死於義懷慰持喪不食醯醬冬月不用絮衣齊高祖以為護國將軍齊郡太守修城郭墾廢田決沈湖清身率下不受餽遺既卒明帝謂徐孝嗣曰劉懷慰若在朝廷不患

無清吏也

李安人

蘭陵承人齊明帝時中領軍封康樂侯軍國密事上唯與安人論議謂曰署事有卿名我使不復細覽也

吳興太守卒諡肅侯

吳苞

字蓋天濮陽鄆城人業文學善三禮宋太始中過江聚徒教授蔬食二十餘年至齊隆昌年歸里梁武帝

問地里中不悉十餘事慰祖酬據精悉眺嘆

曰假使與馬復生無以過此所著有海岱志

顏見遠

有當官之後博學有志行仕齊為御史中丞正色立朝帝恨之曰我自應天從人何預天下士大夫而顏見遠乃至於此以上俱南齊

王志

字次道琅邪臨沂人九歲居母憂哀容毀瘠仕齊為秘書郎累遷宣城內史清謹有恩惠郡民爭田經歲

不決聞志來遂相讓入為吏部尚書高祖入城百僚送款志不從上嘉之以為冠軍將軍丹陽尹為政清靜去煩苛以俸錢賑民民樂之官至散騎常侍金紫光祿大夫志善草隸號書聖兄弟子姪皆篤實謙和人稱馬蕃巷諸王為長者普通

四年追諡曰安

王僧祐

琅邪臨沂人中書監儉從弟少穎悟為儉所重居喪至孝舉秀才為著作郎遷司空祭酒常謝病不與公卿遊儉賓客盈門而僧祐不為之屈時人稱之

臧嚴

字彥威東莞莒人幼有孝性孤貧勤學累遷湘東王參軍歷義陽武寧郡守郡界蠻地前守鎮之以兵嚴獨隨數門人單車入境羣蠻悅服後為鎮南諮議參軍著有文集

孔休源 字慶緒孔子三十一代孫齊舉秀才仕梁至金紫光祿大夫諡曰貞手校書七千卷著文集十五卷

徐勉 字修仁東海郟人早勵清節篤志好學齊太尉王儉稱爲宰輔器量射策舉高第起王國侍郎梁天監初

拜中書侍郎入樞府多所糾舉稱職尋除給事黃門侍郎參掌軍書劬勞夙夜經數旬始一還宅遷吏部尚書典選事彝

倫有序嘗與客夜集有求詹事五官者勉正色曰今夕止談風月不宜及公事進侍中尚書右僕射盡心奉上知無不爲

有表奏輒焚其藁中大通三年卒贈光祿大夫開府儀同三司諡簡肅所著有別起居注六百卷選品會林等書行世

呂僧珍 字元榆東平范人童時有相者曰此封侯相也事梁宿衛天監四年北伐軍機多事僧珍畫直中書省夜還秘書

師旋授使持節南兗州刺史平心率下雖親戚不少私累有大勲恩遇隆密然性恭慎直禁中盛暑不解衣

每侍御座鞠躬屏息天監十年卒於領軍府

孫謙 字長儒東莞莒人歷官南中郎司馬梁天監六年爲零陵太守尋徵爲光祿大夫高祖甚禮異之自少至

老歷二縣五郡所在廉潔課農桑盡地利收入常多於鄰境治煩以簡獄無繫囚威信並著號爲神明零陵多虎患謙至

絕跡及去官復有謙居身儉素篤於行義年逾九十卒

臧厥 字獻卿梁東莞莒人中領軍質弟以幹局稱初爲西捕不能絕厥宣風化賊黨襁負而出居民復業商賈流通討

遷員外散騎常侍兼司農卿卒于官前後居職所掌職局大事及蘭臺廷尉所不能決者敕並付厥厥辨斷精詳咸得其

理後有過登聞鼓鳴寃者曰乞付清直舍人高祖曰臧厥沒無可付者矣

其見知如此

任昉 字彥昇樂安博昌人早有才名性至孝居喪盡禮梁監二年出爲義興新安太守爲政清省能於

路決詞訟吏民便之卒贈太常卿諡曰敬

王規 字威明梁琅琊臨沂人中書監儉孫僕射暕子八歲居母憂有至性徐孝嗣稱曰孝童父亦器重之十二

通五經長起秘書郎累遷太子洗馬天監十二年獻新殿賦辭甚工襲封南昌侯除中書黃門侍郎普通初北伐規憂其

難繼咸謂識事機焉高祖命賦詩五十韻錢元景隆援筆立就中大通二年爲吳郡太守召還吏民千餘人詣闕乞留尋

歷散騎常侍領步兵校尉辭不拜築室于鍾山崇熙寺居焉

崔靈恩 清河東武城人習五經尤精三禮三傳仕魏歸梁為步兵校尉兼國子博士解析經理甚有精致舊儒咸稱重之先是儒者論天互執渾蓋二義不合靈恩立義以渾蓋為一集註毛詩周禮著三禮義宗左氏經傳義左氏條例

公羊穀梁文句 義皆行於世

王筠 字元禮臨沂人僧虔孫也七歲能屬文十六為芍藥賦甚美仕梁至光祿大夫太子詹事昭明太子嘗集

文士遊宴元圃獨把筠袖撫劉孝綽肩曰所謂左把浮邱袖右拍洪崖肩嘗奉敕製開善寺寶誌大師碑文詞甚麗逸又

自撰中書表奏三十卷及所上賦頌都為一集筠

劉峻 字孝標梁平原人好學安貧耕讀不輟常燎麻炬從夕達旦聞人有異書必往借之人謂之書淫嘗著廣

絕交論以刺世情武帝引見占對不稱旨乃作辨命論寄其懷思遊東陽紫岩山築室居焉著類苑一百二十卷卒謚元

靜先生

卜華 字昭岳濟陰宛句人壺六世孫幼孤貧好學與平原

聚徒教授華博涉有機辯說經析理為當時之冠

明山賓 字孝若平原鬲人博通經傳梁初置五經博士山賓

首應其選天監中出為北兗州刺史東宮新置學士

又以山賓為之初在州平陸縣不稔啓出倉米以賑百姓後

刺史以為耗損有司追責籍其宅入官山賓不自理更市地

造宅兼國子祭酒甚有訓導之益性疎通諸生皆愛之所著

吉禮儀注二百二十四卷禮儀二十卷孝經喪服義十五卷

蕭子範 蘭陵人仕梁至光祿大夫南平王嘗使製千字文其

辭甚美自是府中文筆皆使草之前後文集三十卷

蕭子顯 子範弟偉容貌身長八尺好學工屬文嘗探眾家後

尚書出為吳興太守卒所著漢書齊書晉史外又有普通北

伐記五卷文集二十卷子愷累官中書郎太子家令才學譽

望時論以方其父

劉勰 字彥和梁東莞人博學多才嘗撰文心雕龍五十篇欲取定於沈約因負書候約于車前若欲貨者約見

書大重之言諸朝仕
至東宮通事舍人

何遜 字仲言梁東海鄉人宋御史承天子八歲能賦詩弱
冠州舉秀才范雲見其對策大相稱賞結忘年交自

是一詞一詠雲輒嗟賞沈約亦愛其
文仕至尚書水部郎所著文集八卷

蕭洽 字宏稱北蘭陵人好學博涉善屬文
仕至司徒左長史集二十卷行于世

臧盾 字宣卿東莞莒人盾幼從諸葛璩受五經璩異之曰
此王佐才也初為撫軍參軍尚書中兵郎美風儀善

舉止至梁高祖時進通事舍人宿直廷尉母忽卒手指痛不
能寢父沒五年不出戶形體枯頓人不復識事聞上嘉之服

闕累官御史中丞居憲臺公疆稱職大同二年
遷中領軍尋拜光祿大夫加金紫卒諡曰忠

劉昭 高唐人晉太尉實九世孫幼清警通老莊義及長勤
學善屬文仕梁卒于鄉令集注後漢書一百八十卷

文集十卷子紹亦好學通三禮仕魏尚書祠部郎
次子緩風流跌宕名高一時為湘東王中錄事

徐摛 字士秀東海鄉人仕梁為晉安王侍讀遷新安太守
勸課農桑教民禮義還為中庶子侯景攻臺城賊眾

舉兵上殿侍衛奔散摛徐謂景曰公當以禮見何得如此
景乃拜太宗後被幽閉摛不獲朝謁感氣疾而卒諡曰貞

徐陵 字孝穆東海鄉人摛子八歲能屬文長博涉史籍仕
梁為通直散騎常侍除御史中丞安成王瑱勢傾朝

野府屬官多不法大臣莫敢言陵為彈章奏上前安成王侍
立流汗失色陵即遣御史引王下殿自此朝廷肅然遷吏部

尚書提舉綱維綜覈名實比之毛玠太建初除尚書左僕射
陵固讓周弘正王勳曰選賢與舊微臣皆宜處後會北伐詔

舉堪元帥任者陵推吳明徹裴忌卒用其言復淮南數十州
累官中書監左光祿大夫陵器局深遠性簡潔祿俸與親族

共之詔策軍書多出其手為一
代文宗卒贈開國侯諡曰章

任遐 字景遠梁樂安博昌人少敦學業行
誼純謹位御史中丞金紫光祿大夫

劉霽 字士開梁平原人立志勤學博涉書史歷位西
昌相海鹽令所著有釋俗語八卷文集十卷

劉杳 字士深平原人霽弟少好學淹貫羣書博物強記沈
約任昉每有遺忘皆訪問焉仕梁至尚書左丞所著

有要雅高
士傳等書

伏曼容

字公儀平昌安邱人少篤學善老易侗儻好大言常云何晏疑易中九事以吾觀之晏了不學也聚徒教授以自業仕歷宋齊梁終臨海太守嘗與司馬憲陸澄撰喪服生徒數十百人所著有周易毛詩喪服集解老莊論語義子暄傳父業為五經博士

伏暄

字元耀平昌安邱人臨海太守曼容之子幼傳父業有名於時天監初授國子博士累官中書侍郎前軍將軍出為永陽內史清潔務安靜刺史以狀聞詔勘十五事為吏民所懷高祖善之遷東陽太守厲志如永陽時尋徵長水校尉暄性儉素樂推薦終給事黃門侍郎

劉歊

字士光平原人幼而穎悟及長博學多文不樂仕長與族兄訐遨遊山水間梁天監中卒諡曰貞節處士

諸葛璩

琅邪諸人安貧守志齊梁間屢徵皆不就

徐孝克

臨沂人性至孝梁太清中為太學博士侯景陷臺城京師絕糧百官廩祿不給孝克嘗出其妻臧氏易米以養其母時稱孝子徐博士

江子一

字元亮濟陽人家貧以孝聞梁侯景之難子一戰失所部皆棄臣去臣以一夫安能擊賊若賊遂能至山臣誓當碎身以贖前罪及景攻臺城子一與弟子四子五領百餘人開門出戰子一徑前刺賊從者不繼賊解其肩而去子四子五相謂曰與兄俱出何面獨旋皆免胄赴賊死

羊侃

字祖忻太山梁甫人少瑰偉博涉書史尤好左氏春秋孫吳兵法授散騎常侍封高昌侯除晉安太守境內肅清入為左衛率賜新造兩刃稍長丈四尺圍尺三寸侃乘馬試于上前特盡其妙上製武宴詩三十韻侃即席應詔累遷都官尚書侯景逼建康侃督都城內軍事備極區畫長子為景所獲舉以示侃侃曰吾以身許國豈以子生進退引弓射之賊亦感其忠義侃性寬厚有器局醉客張儒才誤燔其船延燒金帛無筭侃命酒不輟且慰諭善待之太清二年卒于臺內以上俱南梁

張譏

字直言清河武城人居父母憂哀毀逾禮仕梁為士林館學士侯景寇臺城譏獨侍太子不去及臺城陷譏崎嶇避難卒不事景入陳為東宮學士所

撰周易尚書毛詩孝經論語義皆入祕閣

王憲 字顯則北海劇人自趙郡高邑歸誠于魏太祖曰此

下風化大行尋拜外都中都大官斷獄稱旨進爵北海公以元老賜錦繡絲綵珍羞禮膳卒諡曰康

崔宏 字元伯清河東武城人學貫古今不與世羣太原郝

制度禮樂皆所裁定太宗卽位詔坐止車門右總理萬幾河西建興河內獬獬賴以蕩平拜天部大人進爵白馬公諡曰

文貞弟徽字元猷 猷官中書侍郎

高允 字伯恭渤海人少有奇度清河崔宏見而異之曰一

代備器從安樂王範鎮長安以匡益功賜爵汶陽子世祖時與崔浩述成國記浩坐罪允在帝前申釋是非毫無

推諉聽者莫不稱善允歷三朝屢陳忠悃除田禁興學校親賢遠佞正己率下皆維持風化拔本塞源之

論卒諡曰文所著有公羊釋毛詩拾遺等書 崔浩 字伯深武城人白馬公宏子博通經史元象練習制

外大事皆先諮浩然後施行神麈二年總裁史務叙國書二下卷以是獲罪浩自謂木比張良而稽古過之弟覽以善養

知名歷中書侍郎叅著作事

崔懷慎 東武城人父邪利魯郡太守宋元嘉中入魏懷慎布

衣蔬食如居裘禮歲時北向流涕泰始初淮北陷懷慎因北至代都邪利已死懷慎號哭絕而復甦

載喪還家徒跣冰雪手足不傷時人以爲孝感 王肅 字恭懿瑯邪臨沂人晉丞相導之後父與及兄弟並

爲肅頤所殺肅自建業奔魏高祖引見問故甚哀惻之語及爲國之道深合上意除輔國大將軍長史討肅鸞義


陽降者萬餘世宗時與咸陽王禧同爲宰輔憂勤經綵有過親舊持節都督江西軍事生擒肅將李叔獻得其地壽昌進

位開國侯肅頤在邊境遠近歸懷清身好施家無餘財諡曰宣簡肅宗初復

爲立碑勒銘 傅永 字修期清河人驍勇過人兼有才筆王肅爲豫州以

之太倉口永勒甲士三千拒之生擒公政斬康祚首送京師尋復與裴叔業戰一月之餘遂獻再捷拜貝邱縣開國男救

彭城王勰于壽春出中山王英于義陽單騎突陳洞眼拔箭三軍莫不壯之高祖每嘆曰上馬能擊賊下馬作露布唯傅



修期耳卒贈齊州刺史

崔亮

字敬儒清河東武城人初為中書博士高祖創革舊制以亮才望素著授尚書左丞亮參選事廉慎明決垂及十年尚書郭拒每曰選事非崔郎中不辦後遷度支尚書別立條格歲省億計又議修汴蔡二渠以通邊運公私賴焉亮性公清敏于剖決所在稱職三輔服其德政諡曰貞烈

李彪

字道固衛國人舉孝廉高祖初為中書教學博士遷秘書丞上封事七條高祖覽而善之尋皆施行累遷御史中尉彪性剛直多所糾劾豪右屏氣遠近畏之帝嘗謂羣臣曰吾有李生猶漢有汲黯又嘗晏羣臣於流化池謂僕射李冲曰崔光之博李彪之直是我國得賢之基後至度支尚書

王榮世

冠氏人仕魏以方城縣子為三城主梁師攻圍急榮世力窮知不可全乃先焚府庫繼殺妻子奮身迎敵力戰而死

呂羅漢

壽張人仁篤慎密弱冠以武幹知名隨父溫佐秦州時揚難嘗寇上邽鎮將簡千騎令出戰羅漢策馬大呼直衝隊壘衆皆披靡引退狀聞徵羽林郎中擒王飛廉黨

八十餘家招慰懸弧降者九千餘戶頻破盱眙賊兵以功加

建威將軍驍騎犯塞羅漢都督中外軍事出為秦益二州刺史威惠兼著遠近歸懷卒諡曰莊一作呂河漢未詳

崔休

字惠盛清河人少孤貧矯然自立舉秀才拜尚書主客郎轉給事黃門侍郎高祖南伐以休人望留總百揆還除渤海太守廣布耳目誅戮豪滑組豆肄業儒者稱道不置入為吏部郎中多所選拔遷司徒右長史剖判若流刺史青州九郡民劉通等一千人上書頌德上嘉之休

房法壽

清河繹幕人少勇果州辟主簿以母老不應後仕魏屢立戰功威名震赫賜爵壯武侯加平遠將軍給田宅奴婢性好施與親舊賓客率同饑飽坎塿常至不給卒諡曰敬侯

房堅

字千秋清河繹幕人持躬有道治家嚴肅高祖時為齊州中正帝嘗令羣臣各舉所知堅與幽州中正

陽尼皆舉其子高祖曰昔有一祁名垂往

史今有二奚當聞來牒遷堅濮陽太守

路恃慶

字伯瑞陽平清淵人有幹用與廣平宋徽齊名相州刺史李安世表薦之太和中除奉朝請自謂才望不

逮讓于從兄文舉高祖遂並拜焉累遷河間王琛長史屢進直言諡曰襄

房亮

字景高清河人太和中除平原太守冀州刺史京兆王愉謀異以境接平原遣使說亮亮斬其使者發兵防捍親總義師出城拒戰大破之遷前將軍東荊州刺史悉心撫納中外以安例邊州刺史得一子出身亮不言其子而啓弟子起議者嘉焉卒贈齊州刺史

傅豎眼

清河人沉毅壯烈王肅表為參軍屢建功績世宗時除建武將軍討揚州寇武興善于綏撫南人多歸附之拜益州刺史蜀人仰其恩信請軍者旬月相繼及解州追隨涕泣直達境外尋除平西將軍與蕭將張齊對壘三日之中轉戰三百餘里頻致九捷功成轉梁州刺史州人喜迎于路卒贈吏部尚書

張彝

字慶賓清河武城人性公正歷涉經史世宗時以散騎常侍持節巡察陝西河南十二州所至人皆畏服同寮以是高之遷除秦州刺史考訪典式多所制立風移俗易隴右肅然入拜光祿大夫上歷帝圖帝嘉納之諡曰文侯

十卷行世

崔光

清河鄒人本名孝伯字長仁孝文賜名光家貧好學撰國書孝文稱其才曰浩浩如黃河東注今日之文宗也累官司徒侍中進太保封平恩侯卒諡文宣

鹿生

濟陰乘氏人顯祖時為濟南太守時三齊新附人懷苟且蒲博終朝媚廢本業生立為首免連坐之法保伍自相糾察勸懲有方民咸力作

劉獻之

博陵人少而孤貧雅好詩傳曾受業於渤海程元嘗謂人曰人之立身雖百行殊塗準之四科要以德行為首人若能入孝出弟忠信仁讓不待出戶天下自知不然雖復下帷針股躡屨從師止可博聞多識不過為土龍祈雨眩惑將來其子立身之道有何益乎孔門之徒初亦未悟見臯魚之嘆方乃歸而養親嗟乎先達何自覺之晚也獻之兼善春秋每講左氏盡隱公八年而止云義例已了不須復解弟子有莫究其說者舉孝廉不就孝文帝特詔徵典內校書仍以疾辭

崔 鴻 郿人平恩侯光從子博綜經史撰十六國春秋勒成

董 徵 字文發頓邱衛國人好古學尚雅素師事博陵劉獻

仍詔徵教授諸生官至光祿大夫

韓靈珍 魯郡人母喪三年貧無以葬與弟靈敏共種瓜半

房景伯 字長暉清河繹幕人壯武侯法壽族子少喪父傭書

其臨郡闔家逃亡景伯捕獲之即署其子為西曹掾詔喻山

賊賊以不念舊惡一時俱下將代郡郡民韓靈和

等三百餘人表訴乞留復加二載卒贈齊州刺史

房景先 字光宙清河繹幕人幼孤貧無資從師其母自授毛

秀才解褐太學博士修國史累遷齊州中正所歷皆有當官

不辭作五經 稱沈敏方正事兄景伯如嚴父兄常寢疾景先侍湯藥衣冠

疑問百餘篇

蓋 儁 魯郡人六世同居家

張 烈 字徽仙清河東武城人博涉經史與崔徽伯房穆叔

事深合上意蕭寶卷入寇除陵江將軍順陽太守先車駕南

征被圍七十餘日士卒愈奮蕭兵遁走封清河縣開國子後

辭老還里兄弟同居怡怡然為親黨

所慕卒垂家誠千餘言不聽求贈

田 真 朝城人與弟慶廣同居諸婦欲分異堂前有紫荆樹

謂弟曰木本同株當分析便憔悴我兄弟孔懷而可離是

人不如樹也兄弟相感更合諸婦亦無間言明日荆復榮

崔 挺 字根雙博陵安平人文帝時光州刺史恩威並著教

政時聞清吏之名崔公一人而已掖縣老人有美玉獻之挺

不受及代去官屬贈以縑帛亦不納後卒於家光州人聞之

為鑄八尺銅像於廣福寺中凡資薦冥福

者必先拜崔公像謂其能為民致福云

高 顯 字門賢渤海人博學有時譽自司空參軍轉員外郎

出為冀州別駕參決李平軍機表釋元愉別黨千餘

人事平仍述職時軍旅之後因之饑饉顯為網紀務存寬厚尋除輔國將軍卒諡曰惠

樂運 清陽人文帝時為高唐令有聲績嘗錄夏殷以來諫諍事集名諫苑上之帝嘉覽焉

王昕 字元景劇人北海公憲曾孫仕後魏累官常侍初汝南王悅辟為騎兵叅軍悅好逸遊喜酣飲昕每以正

言却之累遷東萊太守武帝甚敬憚之時或袒露與侍臣戲狎見昕即正冠歛容後遷秘書監昕母崔氏有學識生九子

並風流蘊籍世號王氏九龍

房景遠 字叔暇平原繹幕人齊州刺史景伯弟重然諾好施與值歲饑饉以積粟分贍宗親又於通衢煮粥以飼

餓者益州刺史傅監眼表為治武府功曹叅軍以母老固辭不受

張僧皓 臨淄人博極羣書北魏熙平以至孝昌凡三徵皆不就號曰徵君

何魯 字素臣益都人元魏時嘗蓄書數千卷朝夕吟咏自樂每謂人曰生逢多難苟能去危就安全身遠害啟

足無愧老氏戒名之意則可謂云爾已矣

刁雙 字子山青州樂安人博涉經史為中山王英所知拜西河太守正光初中山王熙坐罪弟畧投雙雙護之

周年畧求南轉遣從子昌送達江左事覺上義之肅宗末除兗州刺史州人張挑弓等聚眾劫掠雙諭以禍福不究其罪

盜發悉令追獲境內肅然尋行濟州刺史以功封曲城鄉男諡曰清穆

路邕 陽平清淵人世祖時東魏郡太守有惠政當代去民詣闕畱之靈太后詔曰邕蒞政清勤善綏民俗比經

年儉羣庶嗷嗷將就溝壑而邕自出家粟賑濟貧窘民以獲安吉之良守何以尚茲其瑛宣各州鎮

路思令 字季雋陽平清淵人初為廣陽王司空參軍上疏曰德可感義夫恩可勸死士陟黜幽明練兵習武先喻

以禍福而後討之豈異厲蕭斧而發朝菌鼓洪爐而燎毛髮拜左將軍南冀州刺史時葛榮謀異思令潛軍夜往出其不

意大破之除征東將軍金紫光祿大夫

崔衡 字伯玉清河人武陵公寬子以孝行著初為秘書中散掌詔命舉李冲程駿等終為名器世以是稱之遷

內都坐令折獄明允進爵齊郡公除秦州刺史衡陳禦備之方五十餘條便國利民行于秦周年之間寇盜止息卒贈金

紫光祿大
大謚曰惠

路去病 陽平清淵人釋褐開府參軍尋為定州饒陽令寬厚
廉平吏民嘆服轉成安令居輦轂下舊號難治功臣

內戚請囑百端去病以理抗之莫不憚其
風格亦不致嫌恨一時治術獨稱首焉

崔光韶 清河東武城人尚書亮從弟博學強辨篤于倫理仕
魏為秘書郎掌校華林御書遷青州平東府長史勅

知州事清直明斷吏民咸畏愛之孝莊初河間邢杲攻通州
郡州人乞亮為長史以鎮之亮臨機處分在難確然朝廷嘉

其忠毅發使慰勞還為東道軍司遷廷尉卿執法不
撓權貴凜然自謂立身無慚古烈焉卒贈青州刺史

崔光伯 清河東武城人孝莊帝時北海太守秩滿更代帝詔
曰光伯自蒞海沂清風遠著其兄光韶辭榮侍養兄

弟忠孝宜有甄錄再
申三年以勵風俗

王 晞 字叔朗北海人東萊太守听弟幼而孝謹淹雅有器
量魏永安初徵署廣平王開府功曹史晞願養母竟

不受署母終後遊遊鞏洛適意山水與范陽盧元明鉅鹿魏
李景結侶往天陵山浩然有終焉之志昭帝時以待中遷大

鴻臚加儀同三司監修起居注晞閒談寡欲雖王事
鞅掌而雅操不移在并州戎馬填闕不以世務為累

房士達 清河繹幕人壯武侯法壽族弟少有才氣族兄景先
每曰此兒個儻終當大其門戶起家濟州左將軍府

倉曹參軍拜平原太守邢杲憚其威名越城西度不敢攻逼
尋轉濟南太守不入京師類為本州郡時人榮之永安末洛

人逐其刺史蕭贊請士達代遂
攝州事卒贈齊州刺史謚曰武

崔彥穆 清河東武城人幼明悟習儒業魏吏部尚書李神儁
嘆為王佐才永安末累遷大司馬從事中郎孝武西

遷彥穆不得從乃與兄彥珍舉義拔榮陽擒東魏郡守蕪淑
攻穎川斬其刺史李景道孝武嘉之歷進司農卿時軍國草

勦衆務殷繁周太祖為相召入幕府兼掌文翰以本官
從于謹代江陵平之世宗初加驃騎將軍進爵東郡公

高 諒 字修賢渤海人輔國將軍顯弟居喪以孝聞累官徐
州行臺彭城元法僧謀逆逼諒不從遂遇害詔曰臨

危授命誠節可嘉贈
平北將軍諡曰忠

顏 髦 字君道顏子二十代孫父喪在殯隣家失火髦與二
弟抱棺號泣燼焰垂及忽爾頓絕人以為孝感歷仕

至黃門侍郎
卒諡曰宣

賈思伯 字仕休齊郡益都人仕魏為廷尉卿自以儒素為業
不好法律孝明帝時議建明堂多有同異思伯乃上
議考據詳核學者善之後為都官尚書以崔光薦入授明帝
杜氏春秋接誘儒生恂恂無倦色客有謂曰公今貴重寧能
不驕思伯曰衰至便驕何
常之有當世以為雅言

賈思同 字仕明益都人少與兄思伯師事北海陰鳳授靜帝
學上書難杜氏六十三事思同復駁冀隆乖錯者一十餘條
互相是非積成十卷詔下國學集諸儒考之事未竟而思同
卒議
遂寢

王行 字文舒琅邪臨沂人開國侯肅姪自著作佐郎累遷
西兗州刺史屈治未幾為兪朱仲遠所擒以其人望
不害久乃見釋還除車騎將軍左光祿大夫卒諡曰文獻勅
給東園秘噐行篤于故舊友人竺虢妻子饑寒迎之于家累
年贍恤世人
稱其敦厚

張軌 字元軌濟北臨邑人少好學志識開朗周太祖以為
都督從征侯莫陳悅悅平時太祖為行臺授軌郎中

魏孝武 西遷出為河北太守聲績甚著有循吏風累遷隴右
府長史軌性清素臨終家無餘財惟有書數百卷以上北魏

崔瞻 字彥通武城人有文學美風度初潁州荀濟自江南
入洛瞻言于齊神武召為諸子賓友嘗聘陳詞韻溫

雅南人 欽服累官銀青光祿大夫卒諡曰文

趙彥深 平原人本名隱避齊廟諱因以字行幼孤貧事母至
孝性聰敏善書計安閑樂道不雜交遊為雅論所歸
服徵為大丞相功曹參軍專掌機密文翰多出其手神武嘗
謂司徒孫騰曰彥深小心恭慎曠古絕倫天保初累遷秘書
監出為徐州刺史政尚恩信
文民懷之後進爵樂安公

崔仲文 武城人有文學天保中兄悛為侍中仲文為光祿大
夫同日受拜時號兩鳳聯飛嘗勅為觀射詩十首操

筆立就後拜
散騎常侍卒

羊烈 字信卿泰山鉅平人少通敏好讀書以元學知名弱
冠州辟主簿天保初授太子步兵校尉輕車將軍累

遷尚書祠部左右司郎中所在稱職九年除陽平太守有能名皇建二年遷光祿少卿加龍驤將軍兗州大中正後以老疾歸里子元正民部侍郎

崔 劼 字彥元平原貝邱人少清虛寡欲好學有家風天保初除給事黃門侍郎加國子祭酒直內省典機密清

儉勤慎甚為顯祖所知拜南青州刺史有政績皇建中入為秘書監轉五兵尚書監國史在臺閣中以簡正見稱出為兗州刺史卒贈尚書右僕射諡文正

楊 愔 字遵彥本華陰人徙居清河又徙居萊初為齊高歡戰愔每陣先登朋僚咸嘆曰楊氏儒生今遂為武士仁者必

勇定非虛論會從兄幼卿為岐州刺史以直言忤旨見諫愔聞之悲懼因逃亡棄衣冠于水濱若自沉者變易姓名自稱劉士安入田橫島以講誦為業後神武知愔存以禮致之復授大行臺右丞累官開府儀同三司特進驃騎大將軍封王愔典選二十餘年以獎擢人材為已任魏齊際稱為名臣云

高 綽 字僧祐渤海人汝陽子允孫少孤恭敏自立拜奉朝請除侍御史轉洛陽令為政公直不避豪貴邑人憚

之詔參律令遷國子博士大乘賊起詔以白虎幡軍招慰降之還為濟州刺史有治績卒諡曰簡

羊 敦 字元禮泰山鉅平人性尚簡素博涉書史以父靈引使人採藕根食之遇有疾苦家人解衣質米以供朝廷嘉其

清白賜穀一千斛絹一百疋卒贈吏部尚書諡曰貞吏民奔哭莫不悲慟武定初復與蘓淑以善政追獎

張買農 平原人經義該博門徒千餘人諸儒咸推重之仕北齊歷太學博士國子助教

李 肩 字寶鼎北海人九歲入學書急就章月餘便通家素貧常春夏務農冬乃入學肩以鄉里無可師者乃詣

華陰徐遵明門下受業五年稱徐高弟年二十三撰定孝經論語毛詩三禮義疏及三傳異同周易義例天保中除太學

博士肩以去聖久遠文字多有乖謬遂覽說文倉雅刪正六藝經註中謬字名曰字辨

鮑季詳 渤海人明禮兼通左氏春秋少時恒為李寶鼎都講後亦自有徒眾諸儒稱之為齊太學博士從弟長暄

兼通禮傳為任城王浩丞相掾恒在都教授貴游子弟齊末卒于家

孫靈暉長樂武強人少明敏有器度日誦數千言三禮三傳皆通宗旨時就鮑季詳熊安生質問疑滯其所發明

熊鮑無以異也後舉秀才以儒術甄明授太學博士北齊天統中為南陽王師以上俱北齊

王褒字子淵琅邪臨沂人七歲善屬文起家秘書郎累遷安成郡守侯景渡江擾建業褒輯寧所部見稱於時

元帝嗣位褒旬月間位昇端右愈自謙損及于謹征江陵褒都督城西諸軍深自勉勵盡忠勤之節後隨元帝出降太尉

得之大喜恩盼異眾保定初高宗作象經令褒注之引據該洽甚見稱賞褒有器局雅識治體建德後頗叅朝議授少司空

空聲著南北

李崇字永隆高平人英果有籌算在周以父賢勲封迴樂侯起家州主簿辭不就官求為將兵都督隨宇文護

伐齊屢以功勲封宗縣公尋為懷州刺史進爵郡公

田弘字廣畧高平人勇敢有謀畧歸周太祖深被引納進爵為公從太祖復弘農戰沙苑解洛陽圍破河橋陣

賜姓紇干授原州刺史魏廢帝元年加驃騎大將軍開府儀同三司平蕭韶又討西平鳳州羗氏及信州羣蠻保定元年

出刺岷州動遵法式百姓安從隋公東伐還會吐谷渾寇西邊弘討之獲其二十五王拔七十二柵尋復破齊將段孝

先拔宜陽弘每臨陣摧鋒直前身被一百餘箭破骨者九馬被十稍朝廷壯之建德中拜大司空遷少保子恭嗣爵觀國

公其後亦顯於隋唐

唐瑾字附璘北海平壽人溫恭有器量博涉經史周文帝聞其名召拜尚書員外郎從破沙苑戰河橋遷尚書

右丞吏部郎中並參朝章國典賜姓宇文更轉吏部尚書負人倫鑒為六俊之最于謹伐江陵軍中謀畧多出瑾江陵既

平衣冠沒為僕隸瑾察其才行有片善者輒議免諸將皆務掠財物瑾所收惟墳籍而已進爵為公歷刺蔡柘碭三州所

在有德化累除司宗中大夫贈小宗伯諡曰方

房彥謙字孝宗清河武城人徙居章邱天性穎悟通涉五經在北齊為齊州主簿在職清簡境內肅然隋開皇間

以刺史希藝固薦遷監察御史奉詔按撫泉括等十州以命稱旨時左僕射高穎定考課彥謙諷以遠布耳目精加采

訪褒秋毫之善貶纖芥之惡頗嗟賞之以秩滿遷長葛令有惠化仁壽中使者巡察長吏以彥謙為天下第一超授郿州司馬州務皆歸彥謙有異政煬帝即位徵授司隸刺史慨然有澄清天下之志薦舉彈射胥當其可而頗為執政者所嫉出為涇陽令卒於官

張齋 字文懿清河東武城人家子淮陰好兵書尤便刁楯周時鄉人有密引陳寇至者齋父雙自清河太守免歸欲率子弟擊之未決齋贊成其謀竟以破賊由是知名起家州主簿高祖作相授大都督領鄉兵賀若弼之鎮壽春也齋恒為間謀平陳之役頗有功焉進位開府儀同三司封文安縣子後屢立戰功為行軍總管

崔儷 字岐叔清河武城人博覽羣言多所通涉在北齊舉令尋奉使聘于陳與頓邱李若齊名隋開皇四年徵授給事郎累遷員外散騎侍郎

顏之推 字子介臨沂人仕北齊為散騎侍郎齊亡入周為御史上士隋開皇中召為文學博識才辨有文集三十卷家訓二十篇行於世

鮑宏 字潤身東海鄉人年十二能屬文初為學士累遷遂高帝時加開府除利州刺史進爵為公有集十卷行世

明克讓 字弘道平原鬲人梁兗州刺史山賓之子博涉書史與太史官屬正定新曆隋文帝受禪位率更令太子以師道處之詔與太常牛弘修禮議樂當朝典故多所裁正著孝經義疏一部古今帝代記一卷文類四卷子餘慶為越王侗國子祭酒

房恭懿 字慎言清河東武城人開皇中為德州司馬考績為上天宗廟之所佑助豈朕寡薄之所能致其即拜為刺史以風天下

段文振 北海人少強于力有膽氣性剛直明達時務初仕周及歸高祖累有戰功為行軍總管煬帝即位從征吐谷渾有功進位右光祿大夫及遼東之役授左侯衛大將軍

出南蘓道在道疾篤上疏言諸軍宜星馳速發水陸並進出其不意勢可拔也遂卒于師帝省表悲嘆贈光祿大夫北平侯諡曰襄

封

肅

字元邕渤海人博涉經史仕至尚書左中兵部所著文集十餘卷

翟普林

楚邱人躬耕色養父母終廬於墓側負土成墳冬月不衣繒絮家一烏犬相隨普林悲慟犬亦哀號聞者

莫不嘆異大業初辟為孝陽令不受

徐

則

東海邳人沉靜寡慾懷棲隱之操常曰名者實之賓也吾其為賓乎隱於天台山

包

愷

字和樂東海人兄愉明五經愷傳其業又從王仲通受史記漢書大業中為國子助教聚徒教授著錄常

數千餘人

張虔威

字元敬清河東武城人性聰敏涉獵羣書在北齊為太常丞隋開皇初為晉王叅軍及即位加開府拜謁

者大夫從幸以本官攝江都贊治稱為幹理帝數巡行百姓疲弊虔威上封事以諫由此見踈子爽仕至蘭陵令

張虔雄

武城人虔威弟有才器為秦孝王叅軍王嘗親按囚徒虔雄誤不持狀口對百餘人皆盡事情同輩嘆服

後歷壽春陽城二縣俱有治績以上俱北周隋

